

Zyt louft a mir verby  
Und i weiss eifach nid  
Ob i irgendeinisch hinger nache chume  
Oder ob i nume  
Warte bis si mi überhout  
Aues wott mi überfahre  
Ha gmeint mit de Jahr  
Wärdi vieles e chly eifacher  
Dä Bärg flacher wo n i ufe mues

U grad i denä Zyte  
Wo aues um mi ume zämegheit  
Grad i denä Zyte  
Zeue n i uf di, drum

**Nimm mi i Arm  
U häb mi fescht  
La mi mit dir tröime  
Du weisch, das es Stück vo mim Himu bisch  
Nimm mi i Arm  
U häb mi fescht  
La üs zäme tröime  
Du weisch...**

Mängisch wott i resigniere  
Wott nüme probiere  
I ha z'Gfüel i sigi sowiso zweni guet  
Ha zweni Muet  
Mi dür das Zahnrad dürezbisse  
Mängisch wott i mi verschlüüfe  
Wott nüme vo re wüsse  
Vo derä Wäut wo sech ohni mi witerdräit  
Ganz egau wohär dr Wind wäit

U grad i denä Zyte  
Wo aues um mi ume zämegheit  
Grad i denä Zyte  
Zeue n i uf di, drum

**Refrain**